

Të nderuar,

Siç jeni në dijeni, me rregullat e reja procedurale të miratuara në prill të vitit 2021, gjykatat e apelit duhet të bëjnë verifikimin e kushteve formale të rekursit me qëllim vlerësimin e pranueshmërisë. Pas plotësimit të kushteve formale, rekursi së bashku me dosjen gjyqësore i dërgohet për shqyrtim Gjykatës së Apelit Vlorë dhe në të kundërt, rekursi kthehet për plotësim të të metave. Nga Gjykata e Apelit Vlorë konstatohen mangësi të elementeve formalë të rekursit, që janë: mosparaqitja e përmbledhur e fakteve të çështjes dhe, në veçanti, mosevidentimi i shkaqeve për të cilat kundërshtohet vendimi, apo të argumenteve ku mbështeten pretendimet. Një nga mangësitë e hasura më shpesh është mosparaqitja e aktit të përfaqësimit nga avokati dhe mosrespektimi i formatit të rekursit, të miratuar nga Këshilli i Gjykatës së Lartë, sipas nenit 475 të Kodit të Procedurës Civile dhe nenit 434/a të Kodit të Procedurës Penale.

Nga verifikimet e bëra nga Kryesekretaria e Gjykatës së Apelit Vlorë, rezulton se ka një numër të konsiderueshëm të rekurseve që paraqiten me këto mangësi. Edhe në rastet kur formalisht gjykata e apelit ka dhënë vendim për plotësimin e të metave ato rezultojnë përsëri me mangësi, kryesisht në drejtim të mosnënshkrimit nga avokati ose Avokatura e Shtetit apo mungesa e aktit të përfaqësimit të avokatit ose të Avokaturës së Shtetit.

Ju risjellim në vëmendje se rekursi në Gjykatën e Lartë nevojitet të jetë mjaft i strukturuar, duke respektuar kërkesat e neneve 472 e 475 të Kodit të Procedurës Civile dhe të neneve 432 e 434/a të Kodit të Procedurës Penale. Qëllimi i këtij rregullimi procedural lidhet drejtpërdrejt me efektivitetin e gjykimit, që arrihet vetëm kur palët në gjykim respektojnë kërkesat ligjore procedurale.

Për këto arsye, kërkohet nga ana juaj të merret në konsideratë shqetësimi ynë në funksion të zbatimit rigoroz të kërkesave të ligjit procedural për paraqitjen e rekursit në Gjykatën e Apelit Vlorë.

Duke ju falënderuar për bashkëpunimin dhe duke shpresuar në reflektimin lidhur me këtë shqetësim të vazhdueshëm të Gjykatës së Apelit Vlorë

Bashkëlidhur kësaj shkrese dhe formati i rekursit

KËSHILLI I GYKATËS SË APELIT VLORË

REKURS

Paditës / Prokuroria: _____

I Paditur / I Pandehur: _____

i përfaqësuar me prokurë nga Av. _____

Objekti / Akuza: _____

A. BAZA LIGJORE

Neni 472 i KPC / Neni 58 i LGJA / Neni 432 i KPP

B. PARAQITJA E RRETHANAVE TË ÇËSHTJES

(Paraqisni në mënyrë të përmbledhur rrethanat e çështjes, pa përfshirë shkaqet e rekursit).

C. VENDIMET E GJYKATAVE

I. VENDIMI I GJYKATËS SË SHKALLËS SË PARË _____

(Citoni dispozitivin e vendimit)

II. SHKAQET E ANKIMIT NË GJYKATËN E APELIT _____

(Renditni në mënyrë të përmbledhur shkaqet e ankimit)

III. VENDIMI I GJYKATËS SË APELIT _____

(Citoni dispozitivin e vendimit)

D. SHKAQET E REKURSIT

(Parashtroni shkaqet e rekursit, sipas natyrës dhe llojit të shkeljes)

I. Zbatimi i gabuar i ligjit procedural të një rëndësie themelore për njësimin, sigurinë dhe/ose zhvillimin e praktikës gjyqësore;

[Paraqisni shkeljet e pretenduara të dispozitave konkrete procedurale të kryera nga gjykatat më të ulta, duke argumentuar mjaftueshëm rëndësinë që ka shkelja e konstatuar në funksion të nevojës për njësimin, zhvillimin apo ndryshimin e praktikës gjyqësore të Gjykatës së Lartë. Citoni në mbështetje të argumentave tuaja dhe vendime të tjera të Gjykatës së Lartë, të Gjykatës Kushtetuese, të GJEDNJ dhe të gjykatave ndërkombëtare, ose akte ndërkombëtare, të cilat trajtojnë ose kanë lidhje me natyrën a llojin e shkeljes procedurale të pretenduar, duke paraqitur informacion të saktë lidhur me burimin nga ku është marrë].

II. Zbatimi i gabuar i ligjit material të një rëndësie themelore për njësimin, sigurinë dhe/ose zhvillimin e praktikës gjyqësore;

(Evidentoni shkeljet e kryera nga ana e gjykatave më të ulta lidhur me mënyrën e interpretimit apo zbatimit të gabuar të dispozitave materiale, duke argumentuar mjaftueshëm rëndësinë që ka shkelja e konstatuar në funksion të nevojës për njësimin, zhvillimin apo ndryshimin e praktikës gjyqësore të Gjykatës së Lartë. Citoni në mbështetje të argumenteve tuaja dhe vendime të tjera të Gjykatës së Lartë, të Gjykatës Kushtetuese, të GJEDNJ dhe të gjykatave ndërkombëtare, ose akte ndërkombëtare, të cilat trajtojnë ose kanë lidhje me natyrën a llojin e shkeljes procedurale të pretenduar, duke paraqitur informacion të saktë lidhur me burimin nga ku është marrë].

III. Shmangia nga praktika e kolegjit/kolegjeve të bashkuara

(Argumentoni mospërputhjen ose shmangien e vendimit objekt kundërshtimi nga praktika gjyqësore e njësuar e kolegjit/ Kolegjeve të Bashkuara të Gjykatës së Lartë.

IV. Shkelje të rënda të normave procedurale, me pasojë pavlefshmërinë e vendimit, të procedurës së gjykimit, ose pavlefshmërinë e provave

[Paraqisni argumente në favor të pretendimit se vendimi i gjykatave më të ulta është marrë si pasojë e shkeljeve të rënda procedurale, të tilla që sjellin si pasojë pavlefshmërinë e vendimit ose të procesit të gjykimit (KPC/LGJA), (apo pavlefshmërinë absolute të akteve ose papërdorshmërinë e provave të marra gjatë gjykimit - KPP)].

E. OBJEKTI I REKURSIT

Në përfundim, duke vlerësuar se vendimet e gjykatave janë marrë (në shkelje të nenit ____ të KPC/LGJA/KPP/) (në interpretim dhe zbatim të gabuar të nenit ____ të Kodit _____ / ose të ligjit nr. _____, datë ____/____/____),

Kërkojmë nga Gjykata e Lartë:

AVOKATI / PROKURORI

(emri mbiemri nënshkrimi)